

Na caminda pa Barcelona Spaña

Fiderd Vis a logra beca pa sigui curso di coach pa judo

ORANJESTAD - Recientemente tabata un otro gran dia pa deporte Arubano ora e conocedo judoka Fiderd Vis a firma un contract, cu lo duna e hoben e oportunidad unico di sigui un curso como coach di judo na Barcelona, Spaña. Pa mas di tres luna, Fiderd Vis lo permanece den e Centro di Alto Rendimiento de Cataluña, unda e lo sigui e curso yama "Formacion General den Ciencias aplicadas al Deporte para Entrenadores".

E ayudo financiero a bini di

Olympic Solidarity cu ta ofrece apoyo na personanan cu ta activo y reconoci den nan respectivo deporte y cu lo tin acceso na hiba e entrenamento na un nivel mas halto, cual ta nan obhetivo number uno. Na e ocasion presente aki tabata e directiva diario di COA, presidente di AJB y e atleta Fiderd Vis mes.

Prome cu a firma e contract, presidente di COA, Sr. Edwin Roos a dirigi algun palabra, unda el a bisa di ta masha contento y orguyoso cu un atleta renombra manera Fiderd Vis ta haya un oportunidad unico pa sigui un



curso di nivel halto como coach den exterior. Esaki lo ta un beneficio pa e desaroyo di deporte aki na Aruba y sigur lo yuda hisa e nivel di e deporte di judo no solamente bou di nos hobennan cu ta practica esaki, pero tambe di e otro coachnan di judo.

Siña mas di e deporte judo Mester bisa cu Fiderd Vis ta un atleta cu a participa na Weganan Olimpico y un di Aruba su top atletanan di tur tempo. For di un edad relati-

vamente hoben el a cuminsa practica e deporte di judo y te ainda ta haci esaki. Cu tempo el a siña stima e deporte di judo unda e ta yuda nos otro hobennan cu ta practica esaki. E oportunidad di por sigui un curso intensivo como coach di judo pa mas cu tres luna na Barcelona, lo yuda amplia su conocimiento den e deporte y despues comparti esaki cu otronan na Aruba.

Cu e curso aki, Fiderd Vis ta sinti cu un otro porta y eta-

pa den deporte a habri pa su persona y ta masha gradici na COA y judo bond pa e oportunidad unico cu a presenta. E lo kier sigui yuda na e desaroyo di e deporte cu tanto e ta stima y hiba esaki na un otro nivel. E ta consciente cu den exterior e nivel di judo ta super halto, pero manera el a bisa, nos tin cu cuminsa un caminda y ta spera cu esaki lo ta e caminda pa engrandece e judo di Aruba. □

